

# **DE SUCCO ENTERICO.**

→→→←←←

**DISSERTATIO INAUGURALIS PHYSIOLOGICA**

**QUAM**

**CONSENSU ET AUCTORITATE**

**GRATIOSI MEDICORUM ORDINIS**

**IN**

**UNIVERSITATE LITERARUM CAESAREA  
DORPATENSI**

**AD GRADUM**

**DOCTORIS MEDICINAE**

**RITE ADIPISCENDUM**

**LOCO CONSUETO PUBLICE DEFENDET**

**AUCTOR**

***Robertus Zander,***

**RIGENSIS.**



---

**DORPATI LIVONORUM,**

**TYPIS HENRICI LAAKMANNI.**

**MDCCL.**

## PROCEMIUM.

Imprimatur

haec dissertatio, ea tamen conditione, ut simulac typis fuerit excusa,  
quinque ejus exempla tradantur collegio ad libros explorandos con-  
stituto.

Dorpati Livon. die XXX. mens. Maji a. 1850.

(L. S.)

Dr. Bidder,  
ord. med. h. t. Decanus.

D17157

Processus concoctionis, unus ex processibus organismi  
longe gravissimis, postremis praesertim his decenniis a phy-  
siologis satius exploratus et pervestigatus est, quum ad  
hoc tempus tam exigua ejus cognitio, quam diversae de  
illo fuerint sententiae, eaque recentiore tempore adeo mu-  
tatae sint. Quamquam vero negari non potest, quin con-  
tinuatis disquisitionibus acerrimis virorum illustrum hac  
nostra aetate notitia de ea re accurasierit percrebruerit,  
eventus tamen illarum adhuc parum sufficiunt ac multa  
restant, quae desiderentur. Nam et experimenta, quae in-  
stituerunt viri illi, et sententiae, in quas adducti sunt, in  
multas etiam quotidie dubitationes incurront, neque raro ab  
adversariis diversis vehementer impugnantur. Ut vero in  
universum de concoctione, ita praeципue de succu enterico  
etiamnunc exigua nobis est scientia: qui succus utrum et  
idem in succis digestivis habeatur, i. e. vis alimenta  
solvendi ei insit nec ne, adhuc exploratum non est.

In universitatis nostrae instituto physiologico proximo  
tempore processui concoctionis acrior adversa est animi  
intentio; succi digestivi, qui dicuntur, uti saliva, succus  
gastricus, succus pancreaticus, bilis separatim perquisita et  
tractata sunt; supererat succi enterici disquisitio, ut tota

imago processus concoctionis magis perspicua redderetur. Qua de causa et quod disquisitionibus antehac institutis minime idoneis scientia hujus secreti manca apparuit et imperfecta, consilio et auctoritate prof. illustr. Bidderi adductus sum, ut succum entericum mihi eligerem, quem diligentius disquirerem et explorarem.

In hac commentatione mea ex experimentis, quae plurima in animalibus institui, deductos eventus atque sententias proposui: qua in re, omissa glandularum intestinalium descriptione, rationem potissimum physiologicam secutus sum, hoc enīsus, ut officium, quod succus entericus in tractu intestinali expleret, quam maxime cognitum haberem.

Ad haec experimenta animalia carnivora adhibui, ex iisque maxime feles delegi, non solum quod hae plurimae mihi praesto erant, sed etiam quod magni mea intererat, ut in hoc genere animalium ex largiore demum usu certas leges statuerem de modo ac ratione, qua experimenta, quae initio rebus adversis saepius turbabantur, quam opportunissime et proposito convenientissime instituerentur. Nec non in nonnullis etiam canibus posthac eadem experimenta facta sunt quae in felibus.

Non possum denique, quin hoc loco gratias maximas tribuam praceptorι veneratissimo prof. cl. Biddero, qui in disquisitionibus meis consilio ac re liberaliter et assidue me adjuvit; neque minus etiam debo Dri. cl. Schmidtio, quem mihi in rebus chemicis auxilium praestitisse grato et sincero animo fateor.

## Caput I.

### Conspectus historicus.

Ex libris vetustioribus, qui sunt conscripti de succo entero, pauci tantum digni sunt qui afferantur. Proximo saeculo Hallerum<sup>1)</sup> fuisse commemoraverim, qui quam difficile sit vires et officia succi enterici cognoscere et dijudicare, his verbis explicat: «ut plurima nobis in re physiologica supersunt ignorata, etiam humoris intestinalis natura inter desiderata est. Veniam etiam haec ignorantia meretur, cum diversi humores in intestino confluant, quorum miscela analysis impedit.» In his secretis, quae ex parietibus intestini oriuntur, dicit «humorem arteriosum exhalabilem, cuius indoles quaeritur», atque «mucum» e glandulis secretum, de quo haec refert: «nuper etiam detectum est, mucilaginem oleum cum aqua optime unire, ut in emulsionem fiat, quo ipso mucus bilem in nobilissimo officio adjuvat.»

Hoc saeculo Leuret et Lassaigne<sup>2)</sup> experimenta de succo entero primi instituerunt. Ratio eorum omnino haec fuit: spongolas aliquot, linteo subtili involutas, cani devorandas dederunt; viginti quatuor horis, postquam animal enecatum est, altera pars spongolarum in ventriculo, altera in intestino jejunum est reperta: et succus mucosus acidus, qui e spongolis ventriculi, et succus subflavus acidulus, qui ex spongolis intestini jejunii est

1) Elementa physiolog. corporis humani auctore Alb. ab. Haller. Bernae 1765. Tom. VII.

2) Leuret et Lassaigne. Recherches physiologiques et chimiques pour servir à l'histoire de la digestion, à Paris 1825.

expressus, separatim quisque cum aliqua copia panis commixtus calori 31° R. per duodecim horas expositus est. Circumacto hoc tempore in altera mixtione paene nihil panis amplius supererat, in altera liquor exortus erat crassus subflavus homogeneus, in quo etiam addito Jodio parva tantum amyli copia inveniebatur. His rebus nixi hanc sententiam posuerunt. «Les liquides fournis par la membrane interne du tube intestinal sont sans doute les mêmes que ceux de l'estomac; l'analogie de structure, qui existe entre ces organes ne nous permet pas d'en douter.» Haec experimenta per pauca existant: quae vero si etiam complura essent, nihil omagis tamen succo enterico vim alimenta solvendi inesse demonstrarent, quum succus, qui e spongiolis devoratis, in intestino jejunio repertis, expressus erat, ad experimenta artificialia, quibus decerneretur, utrum alimenta succo enterico mutarentur nec ne, nequaquam adhiberi potuisset, quoniam in succo illo non solum succus gastricus, sed etiam secreta varia in intestinum effusa poterant inesse.

Majoris momenti sunt ea concoctionis pericula, quae paulo post viri ell. Tiedemann et Gmelin<sup>3)</sup> plurima instituerunt. Hi enim succum entericum i. e. fluidum, quod intestino animalium jejunorum contentum fuit, chemice exponunt: attamen bilis et succus pancreaticus ab iis impedita non erant, quominus in tractum intestinalem simul sese effunderent; succus entericus, qui ab iis describitur, maximam partem ex epitheliis detrusis constituisse videtur. Reactio succi enterici a summo intestino tenui usque ad medium acida, inde ad imum alcalica reperta est. Praeterea etiam viri illi factis multis experimentis naturam et mutationes contentorum explicant, quales sint in diversis partibus intestini eorum animalium, quae certis quibusdam alimentis antea pasta fuerint: qua de causa, aliis succo enterico attributis officiis, partem ejus aquosam nonnulla ciborum residua, quae cum chymo simul in intestinum tenue pervenerint, neque autem in ventriculo prorsus

3) Tiedemann und Gmelin. Verdauung nach Versuchen. Heidelberg und Leipzig 1826. Bd. I.

liquefacta sint, solvere perhibent. At vero ex eventibus experimentorum, quae memorata sunt, minime iis licuit hanc sententiam proferre, quum pericula intra intestinum speciatim non instituerint; nam alimenta omnia, quae succo enterico offerre volebant, animalibus antea devoranda dederant: ex contentis vero in intestino repertis vix quisquam statuerit, quatenus succus gastricus aut succus entericus aut alia secreta in intestinum effusa mutationes illorum alimentorum adjuverint.

Post illos viros Eberle<sup>4)</sup> experimenta concoctionis instituit adhibito succo enterico peculiaris, quem ex membranā intestini mucosa ope aquae macerata sibi paraverat (quum ex ejus quidem opinione substantia membranae intestini mucosae una cum secretis nihil nisi ipse succus entericus esset). Hic rationem experiendi eam iniit, ut chymum ventriculi, quem ex variis animalibus plerumque lacte et pane antea pastis receperat, cum succo enterico artificiali horum animalium commixtum calori exponeret: quo facto post 8 circiter horas liquorem diligenter exploravit ac deinde ex iis, quae videbat evenisse, collegit, alimentorum liquefactionem et solutionem in ventriculo coeptam necdum perfectam in tractu intestinali continuari. Quae vero in chymo illo experimentis adhibito praeter casei particulias et amyllum, quae memorat, etiam infuerint, ille nos non docuit; neque igitur scire licet, quaenam substantiae in ejus periculis. invicem inter se egerint, attamen verisimile est succum gastricum in iisdem certe non defuisse.

Schultz<sup>5)</sup> intestino tenui nullum omnino officium gravius attribuit, at functionem summam intestino coeco inesse contendit, in quo, praesente secretione acida, altera ciborum concoctione efficiatur; quam functionem tamquam gravissimam huic parem judicat, quae in ventriculo procedit. Valentin illam sententiam refutat atque reactionem acidam in intestino coeco provocatam esse putat contentis, quae jam copta hoc loco fermentatione facta sint acida.

4) Eberle. Physiologie der Verdauung auf natürlichem und künstlichem Wege. Würzburg 1834.

5) Schultz de alimentorum concoctione experimenta nova. Berol. 1834.

Steinhæuser<sup>6)</sup> intestinum crassum mulieris fistula stercorali spontanea laborantis exploraturus, praeter varia medicamenta, quae experimentis suis maxime adhibebat, etiam albumen coagulatum et frustula carnis bis per fistulam in intestinum crassum injecit: quo facto albumen illud utroque casu in faecibus per anum depositis adesse reperit, frustula carnis vero, quae injecta fuerant, altero casu cuncta, altero tantum per pauca cum faecibus per anum exiisse. Idem praeterea animadvertisit, membranam mucosam intestini crassi per anum praeternaturalem prolapsam, quae duorum pollicum quadratum spatium habebat, intra duodecim sexagesimas 8 grana succi enterici secrevisse. Valentin concoctionem in intestino crasso fieri posse negat, probabilius esse ratus, processum fermentationis, qui in intestino ileo jam ortus et in intestino crasso continuatus sit, etiam in albuminates coagulatos haud parvam vim exercere eosque ad mutationem et solutionem procliviores reddere.

De falsa opinione, quam nonnulli auctores de succo enterico protulerunt, Blondlot<sup>7)</sup> his verbis judicat: «Quelques auteurs ont consideré le mucus des intestins comme un suc particulier analogue au suc gastrique, et l'ont designé sous le nom de suc intestinal. C'est un grave erreur; car tandis que le suc gastrique est constamment acide et jouit de propriétés spécifiques, le mucus des intestins est toujours alcalin, comme on peut s'en assurer en y appliquant sur un animal vivant du papier réactif etc. Nous ferons voir aussi par la suite que ce fluide est complètement dépourvu de la vertu chymisante, qui caractérise le suc gastrique.» — Experimenta hic vir cl. ipse non instituit in succo enterico, sed succos mucosos, uti salivam, succum pancreat. et succum intestinalem conjunctim omnes descriptis, quibus actionem chemicam in alimenta esse prorsus negat.

6) Steinhæuser. Experim. nonnulla de sensibilitate et functionibus intestini crassi. Diss. inaug. med. Lipsiae 1841.

7) Blondlot. Traité analytique de la digestion considérée dans l'homme et dans les animaux vertébrés. Paris et Nancy 1843. pag. 126.

Recentiore tempore glandulae brunnianae in duodeno cum succo eorum a Middeldorp fio<sup>8)</sup> exploratae sunt. Hic experimentis tentavit mucum duodenalem atque membranam mucosam duodenalem aqua perfusam et pistillo contritam, in quibus fluidis succum brunn. inesse putabat. Gravissima ex suis disquisitionibus haec evenisse docet: succus brunn. acidus est — multum continet albuminis — si cum albumine et carne per 24 horas digeritur, in illis praeter macerationem nullas efficit mutationes — amyrum, cum succo brunn. commixtum et 24 horas sepositum, sub calore partim in saccharum uvarum mutatur; praeterea in eo liquore etiam acidum butyricum et acidum lacticum formata sunt. At omnibus tamen ab hoc auctore de illa re expositis nulla subsistit vis probandi, si quis methodum disquisitionis spectaverit; sic enim v. c. quum membranam mucosam duodenalem aqua eluisset, albumen in succo brunn. inesse statuit; mucum duodenalem, in quo succum entericum solum inesse putabat, ad experimenta concoctionis adhibuit, tametsi alia secreta, quae in intestinum se effundunt, non retinuerat.

Experimenta novissima Frerichs<sup>9)</sup> de concoctione superiore anno instituit. Teste eodem glandulae utriformes, quae totum tractum intestinale a pyloro ad anum usque occupant, propria sunt organa, quibus succus entericus secernitur. Ut secretum earum integrum sibi acquireret, Frerichs in felibus canibusque, qui per longius tempus pastu caruerant, singulas intestini partes 4—8 pollicum, ex quibus contenta, si quae forte reliqua erant, caute stringendo removerat, subligavit ac deinde, repositis, quae protractae erant, partibus, cavum abdominis suturis clausit. Post 4—6 horas animalia necata sunt. Hoc modo ei contigit, ut copias satis magnas succi enterici omnino puri reciperet. Natura ejus succi in diversis partibus intestini tenuis et intestini crassi plane eadem erat; copia secreti succi enterici in intestino crasso multo erat

8) Middeldorp. De glandulis brunnianis. Diss. inaug. Vratislaviae 1846.

9) „Verdauung“ von Prof. Frerichs in Wagner's Handwörterbuch der Physiologie, 21ste Lief. Braunschweig 1849. S. 850.

major quam in intestino tenui, ubi tantum copiae pro rata exiguae colligi poterant. Succus entericus massa est pellucida, viscida, tenax, perquam alcalica, nullius coloris, cuius minor pars aqua solvit: qui succus si filtratus est, admixto acido acetico turbationem offert, quae majore addita acidi acet. copia non solvit. In 1000 partibus succi enterici ex intestino colo recepti inventae sunt:

aquae . . . . .	950,55	partes.
residui siccii . . . . .	<b>24,45</b>	"
muci non solubilis cum nucleis cellularum et cum ipsis cellulis	<b>8,70</b>	"
muci solubilis et materiae ex- tractivae . . . . .	<b>5,40</b>	"
adipis . . . . .	<b>1,95</b>	"
natri chlorati, alcal. phosph. et sulf. cum phosphate magnii et calcii . . . . .	<b>8,40</b>	"

In intestino tenui, nullo ceterum discriminé, copia residui siccii **26,50** p. m. aequabat, nam epithelia cylindrica villorum admixta erant.

Vim succi enterici physiologicam quod attinet, Frerichs institutis periculis amyllum addito succo enterico intra duodecim horas in saccharum transformari animadvertisit: qua mutatione succum entericum in partibus tractus intestinalis modo inferioribus, quoque succus pancreat. longe fortius agens non deferatur, aliquid momenti habere arbitratur. In albuminates coagulatos succus entericus neque alcalicus neque acido diluto acidus factus ullam vim manifestam exhibuit.

Ex his expositis experimentis ac sententiis cognovimus adhuc non contigisse, ut functiones succi enterici certae statuerentur; etenim si nonnulli physiologi in eo succo vim aliquam solvendi, quam ille in cibos exerceat, inesse suspicati sunt, nihilomagis tamen experimentis illis, quibus nixi sunt, nobis persuasum esse potuit hanc vim re vera existere. Physiologi recentiores nullam omnino succo enterico vim alimenta solvendi attribuunt.

## Caput II.

### De succi enterici indole physica et chemica.

Succum entericum intelligimus liquorem in interna superficie totius tractus intestinalis obvium; nomen muci intestinalis, quo rarius utimur, propter naturam mucosam, tenacem, viscidam illi impositum est. Succus entericus, qui in universum dicitur, non secernitur ex peculiaribus quibusdam glandulis, verum potius commixtio est secretorum diversorum, quum nimirum non modo, ut quaevis membrana mucosa, ita membrana mucosa intestinalis mucum edat, cui cellulae epitheliales ex membrana mucosa continenter detrusae admisceri solent, sed secretum etiam multarum glandularum intestinalium, quas vocant, in tractum intestinalis influat, immo et glandulae illae maxime, extra tractum intestinalis sitae, hepar et pancreas, omnem secretorum, quae parant, copiam in intestinum effundant. Succus entericus vero, qui speciatim dicitur, ea tantum est substantia, quae e glandulis permultis tractui intestinali propriis, tum extensione tum structura inter se differentibus, secernitur et cum muco supra memorato commiscetur, bile et succo pancreatico exclusis; quas glandulas via microscopica denuo disquirere hoc loco neglexi, quum natura et vires secreti earum separatim statui atque examinari adhuc non potuerint. Ut enim exploratum adhuc non est, glandulas omnes intestinales, quae descriptae inveniuntur, organa esse secernentia, v. c. glandulas Peyeri, ita non magis constat, num glandulae illae, quae structura et extensione diversae sunt, etiam secretis inter se differant.

Itaque a proposito aberrarem, si hoc loco de succo glandularum diversarum speciatim agere conarer; verum potius et succum entericum, qui speciatim dicitur, i. e. fluidum, inhibito

bilis et succi pancreatici influxu, in intestino obvium, et succum entericum, qui in universum dicitur, i. e. complexum omnium secretorum, quae vel ex parietibus intestinalibus orta vel extrinsicus in intestinum effusa inveniuntur, quoad utriusque secreti illius indolem et naturam exploraturus sum.

Copia humoris, in intestino animalium reperti, in universum membranae mucosae late extensa parum congruit. Quum feles sanae jejunaæ celeriter enecatae erant, membrana mucosa intestini tenuis, praesertim in ejus parte superiore, strato satis perspicuo substantiae mucosae semifluidæ obtecta et bile tincta, in parte autem inferiore modo humida apparebat; ex toto intestino tenui parva tantum elici poterat copia humoris.

Ut succum entericum bile et succo pancreatico non mixtum adipisceret, secundum methodum Frerichsii in pluribus felibus vivis singulae partes intestini tenuis 4—6 pollicum, ex quibus contenta, si quae forte inerant, stringendo omnia ante remota fuerant, ligaturis duabus firmissimis sunt subligatae; deinde reposita, quae protracta fuerat, intestini parte, vulnus abdominis contractum est; at vero, quum 5—6 horis post operationem feles imperfectae essent, in partibus subligatis nihil plerumque adfuit succi enterici collecti, sed membrana mucosa tantum humida reperta est; nec nisi casu prosperrimo contigit, ut hoc modo aliquot guttae secreti pallidi exciperentur. Neque majorem copiam succi enterici adepti sumus, quum, ligatura proxime infra insertionem ductus choledochi et pancreatici duodeno applicata, inferiorem partem intestini ilei subligaremus, sperantes inde futurum, ut succus entericus ex toto intestino tenui secretus supra ligaturam in ileo inferiore colligeretur; neque etiam adhibitis irritamentis, quae membranam mucosam afficerent, uti granis plumbeis, pipere, secretio inde largior facta est. Experimenta illa in felibus et jejunis et largius ante pastis plurima sine ullo eventu prosperiore instituta sunt. Humor tenax, qui membranam mucosam tegebatur, semper tamen minor erat, ubi duodeno infra insertionem ductus choledochi et pancreatici subligato,

bilis et succus pancreaticus retinebantur, ne in tractum intestinalem influerent, quam neglecta ea subligatione. Neque vero equidem sententiae Tiedemanni et Gmelini assentior, qui bilem eo, quod in membranam mucosam intestini vim irritantem exerceat, secretionem succi enterici adjuvare arbitrantur; ubi enim bili et succo pancreatico in tractum intestinalem aditus patebat, ibi copia fluidi intestinalis tantum admixtis illis secretis, neque vero etiam uberius secreto succo enterico, major erat, quam ubi bilis et succus pancreaticus retinebantur.

Copiam succi enterici paullo majorem licuit recipere, quum, ductu choledoco et utroque ductu pancreatico subligatis, in cane fistula intestini tenuis inferioris institueretur; de qua operatione, in capite posteriore, ubi de experimentis concoctionis artificialibus agetur, accuratius exponam.

Copia succi enterici secreti si jam exigua in intestino tenui, at minor tamen in intestino crasso aderat, in quo quidem numquam largior, quam in intestino tenui reperta est secretio; neque adeo, quum in intestino crasso fistula, quae foras patebat, instituta esset, copiam aliquam succi enterici contigit ex intestino excipere, quamvis faeces per fistulam saepe prodirent, quarum exteriora succo enterico humefacta et magis lubrica quam interiora videbantur. Minorem vero in intestino crasso secretionem fieri, non modo ex siccitate membranae mucosae majore, quae in intesino coeco maxime est conspicua, sed potius jam ex faecum consistentia solidiore satis appareat.

Succus entericus statu integro semifluidus est, fila ducens, nullo colore. Reactio ejus, ad quam cognoscendam in omnibus experimentis maxime animum attendi, semper plane alcalica aderat tum in felibus tum in canibus. Neque tamen jam satis esse factum putavi, quum succum entericum et in partibus singulis subligatis intestini collectum et ope fistulae intestini tenuis exceptum exploravisse, utrum vere alcalicus esset nec ne; sed etiam ut persuasum mihi esset, num quaevis pars membranae intestinalis mucosae succum

entericum alcalicum secerneret, ipsos parietes interiores partium diversissimarum totius tractus intestinalis antea aqua ablutos chartae exploratoriae rubrae quam proxime admovi: quo facto chartam in quavis parte tractus intestinalis semper caeruleam fieri vidi. In ipso duodeno reactio modo plus modo minus alcalicam sese praebuit, tum in ipsa membrana mucosa tum in infuso ejus aquoso, et ita quidem evidenter, ut, dum proxime infra pylorum reactio in duodeno erat alcalica, jam proxime supra pylorum, ergo in ventriculo, acidissima appareret illa. Naturam in tractu intestinali alcalicam soli succo pancreatico in illum effuso, quem constat alcalia continere, attribuendam non esse, id certe argumento est, quod, ubi succus pancreaticus subligato ductu excretorio ab intestinis intercludebatur, nihilominus tamen reactio alcalica, quam supra dixi, omnino manifesta erat.

Si igitur jam dubitari non potest, quin reactio succi enterici normalis in felibus canibusque semper sit alcalica, hoc tamen commemoraverim, non modo in diversis felibus sed in partibus etiam diversis ejusdem tractus intestinalis intensitatem illius reactionis saepenumero admodum diversam fuisse, cuius rei vero neque certae leges constitui, neque causae moventes erui poterant.

Analysin chemicam succi enterici sensu strictiore non potui instituere, quum nullo modo mihi contigerit, ut copiam, quanta ad eam rem suppeditaret, ex tractu intestinali reciperem. Contra fieri potuit, ut per fistulam medio intestino tenui canis applicatam, nullis subligatis ductibus glandularum excretoriis, postquam animal 24 horas jejunum fuerat, copia satis magna succi enterici exciperetur, cuius haec erat natura chemica: humor ille intestinalis, quum filtratus esset, fortiter alcalicus apparuit, neque calore 100° C. neque admixtis acido acetico aut ferricyanureto kalii coagulatus est. Idem humor acido acetico subacidus factus, quum aqua fervida evaporaretur, cuticulam non duxit, neque, quum ad crassitudinem olei concentratus esset, addito spiritu vini rectificato praecipitatus est, at vero quum 8—10 partes alcoholis (85 p. c.) accessissent, flocculi subinde praecipitati sunt viscidii, qui in massam albidad coibant. Quod praecipitatum facile et omnino aqua

solutum est: quae solutio acido nitrico, acido muriat., acido acet., acido sulph., hydrarg. muriat. corros. non mutata, addito plumbo acetico (et neutrali et basico) praecipitata efficit crassa floccosa, quae acido acetico denuo solvi poterant. Inventa sunt

in 1000 gr. succi intestinalis filtrati:

aquae . . . . .	961,05	gr.
residui sicci . . . . .	<u>38,95</u>	„
materiae alcohole solutae . . .	25,16	„ [natri cholici et choleinici.]
„ „ „ praecipitatae .	13,79	„ [taurini, succi pancreatici et enterici.]

in 1000 gr. succi intestinalis non filtrati:

aquae . . . . .	969,94	gr.
residui sicci . . . . .	<u>30,06</u>	„
epithelii et muci intestin. non soluti, filtro separati . . . . .	8,29	„
natri cholici, choleinici, muriatici	15,93	„ [materiae alcohole solutae.]
taurini, succi pancreatici et enterici	5,84	„ [materiae alcohole praecipitatae].

Quum praeterea auctorum, qui de albumine succi enterici quaesiverint, parum congruant opiniones, euidem haud neglexi ipse explorare, num quid in succo enterico albuminis inesset. Hoc ut cognoscerem, humore usus sum intestinali eo, quem subligato ductu choledoco et utroque ductu pancreatico per intestini tenuis fistulam canis pluribus post pastionem interjectis horis exceperam; qui humor, nisi quod nonnulla, quae mox imaperabant, ciborum residua inerant, satis purus apparuit et pellucidus; neque, quum calori fervido exponeretur, ullam obtulit turbationem aut coagula; additis autem hydrargyro muriat. corros. aut ferrocyanureto kalii aut acido nitrico aut acido acet., coorti sunt flocculi crebri, qui paullo post praecipitabantur. Quum vero humorem illum

intestinalem filtrassem, tum adhibito fervore tum adjectis hydrag. muriat. corros., ferrocyanureto kalii, acido nitrico, acido acet. nullam factam esse vidi nec turbationem nec coagulationem. Ex his ratiocinari licet, in humore priore non filtrato, qui fervefactus minime turbabatur, quum addita essent illa agentia chemica, mucum non solubilem contractione flocculos formasse, dum idem mucus humore filtrato in filtro resideret. Humor filtratus, qui neque sub calore fervido, neque additis illis substantiis chemicis coagulabatur, certissimo est argumento, albumen in succo enterico nullum infuisse.

### Caput III.

#### De vi et effectu succi enterici experimenta.

Ut ex primo capite hujus commentationis cognovimus, ad solvendam quaestionem de vi et dignitate succi enterici nulla intra tractum intestinalem animantium, sed pleraque, quae eam rem spectant, extra organismum via artificiali instituta sunt experimenta. Ex his vero experimentis solis, quae extra organismum facta sunt, judicium certius, ne dicam definitivum, de succi enterici intra tractum intestinalem actione ferri non posse, facile quispiam concederit, quum constet intra corpus et proprie quidem intra tractum intestinalem momenta et conditiones varias etiam adesse, quae omnia extra organismum artis auxilio nequaquam suppleri possint. Num vero momenta illa et conditiones tractui intestinali propriae, quae extra corpus compensari nequeunt, ad mutanda contenta vim habeant graviorem, ex eventibus postea expositis patebit.

Hac igitur ductus opinione initio me non contuli ad agenda in succo enterico experimenta concoctionis artificialis, verum id maxime idoneum existimavi, ut statim intra tractum intestinalem animalis vivi pericula instituerentur, qua sola via arbitror nos cer-

tiores fieri posse, utrum secreto tractus intestinalis vis insit alimenta mutandi et dissolvendi nec ne. — Itaque in tractum intestinalem multarum deinceps felium alimenta sunt injecta, eaque num mutata essent, interjecto nonnullo tempore exploratum est; postquam vero multis ejusmodi susceptis experimentis certae quedam res iterum ac saepius in conspectum datae sunt, ad extremum etiam aliquot experimenta concoctionis iisdem atque antea adhibitis alimentis de succo enterico eorundem animalium extra organismum via artificiali instituta sunt. Ex alimentis quidem, quum albumenates ab animalibus carnivoris plurimi in victum recipiantur, in primis albumen ovi gallinaei et caro bubula, atque praeter illos amyrum quoque ad experimenta adhibita sunt.

#### A. Experimenta intra tractum intestinalem animalium vivorum instituta.

Ne in enarrandis singulis experimentis mihi opus sit eadem denuo repetere, jam initio summatim exponam, qua ratione in iis, quae sequuntur, usus sim. Antequam operationis factum est initium, carnis bubulae crudae et albuminis ovi gallinaei recentis coctione coagulati singulae portiones, quae in tractum intestinalem injicerentur, pensatae sunt. Hoc tempore simul altera portio et albuminis et carnis ex eodem frusto, pondere accurate statuto, in fornacem seposita est, ut ex partibus solidis, aqua omni calore  $100^{\circ}$  C. evaporata, residuis computaretur, quantum portiones albuminis et carnis in tractum intestinalem injicienda partium solidarum continerent. Quo facto suscepta est in animali haec operatio: Sectione in longitudinem  $1\frac{1}{2}$ —2 pollicum secundum lineam albam facta, cavum abdominis in regione supraumbilicali apertum est; tum parte intestini tenuis, quae ventriculo adjacet, paullulum protracta, per incisuram modo superius modo inferius intestino illatam frustula et albuminis et carnis, linteo tenui separatis insuta et aqua conspersa, in interiora tractus intestinalis immissa sunt, atque infra ipsam incisuram intestinalem supra substantias injectas ligatura tractui intestinali est circumdata, quae prohiberet, ne con-

tenta ejus in cavum abdominis illaberentur. Per eandem incisuram etiam obturaculum suberinum fere dimidii pollicis, quod crassitudine lumen intestini tenuis aequabat, superiora versus in tractum intestinalem insertum, isque in medio obturaculo striato proxime incisuram ligatura firmiore circumstrictus est, ne quid humorum desuper in tractum intestinalem inferiorem influeret. Haec ratio inita demum est, quum experimentis est cognitum, ligaturam simplicem tractui intestinali circumdata non ita firmam fuisse, per quam specillum non trajiceretur; unde fieri potuit, ut succi concoctionis etiam supra ligaturam secreti in intestina inferiora per partem subligatam penetrarent.

Intestino, quod fuerat protractum, in cavum abdominis restituto, vulnus ejus aliquot suturis occlusum est. Addam etiam, operationem illam in animalibus nullis nisi jejunis susceptam esse. Interjecto tempore post operationem modo breviore modo longiore animalia laqueo imperfecta sunt: tum denuo patefacto abdominis cavo substantiae, quae erant injectae, ex tractu intestinali exemptae, postquam pondus est statutum, protinus in fornacem exsiccandae sepositae sunt. Qua re, ubi aqua calore 100° C. evaporata albuminis et carnis, quae exempta fuerant ex tractu intestinali, residuum siccum receptum est, ex eodem ipso, quum partes solidae earum substantiarum, antequam in tractum intestinalem injectae sunt, ex portione aequali computatae essent, facile cognosci potuit, quid et quantum utraque substantia illa, dum in tractu intestinali versaretur, partium solidarum amisisset.

### 1. Experimenta in succo enterico, exclusis succo gastrico, bile, succo pancreatico et brunniano.

Ut succus gastricus, bilis, succ. pancreaticus et brunnianus intercluderentur, ne cum succo enterico coirent, in his experimentis intestini tenuis subligatio, quemadmodum jam exposui, ope obturaculi suberini in infima duodenri parte facta est. — Eventus hi fuerunt:

Periculum numeri.	Temporis spatium, quo periculum continuatum est.	Albuminatis natura A = Albumen. C = Caro.	Ex album. recent., calore 100° C. exsicc., copia residui siccii statuitur.		Albuminates recent. quantum in tractu intest. ponderis amiserint, statuitur.			Ex 100 gr. albumin. siccii in tractu intest. concocta sunt.	Notae.
			album. recent. gramm.	residui siccii gramm.	album. rec. injecta gramm.	relicta peric. finit. alb. rec. gramm.	relicta alb. 100° C. exsicc. gramm.		
I. felis	6 hor.	A.	1,034	0,139	0,596	0,336	0,065	18,9	{ Albuminates injecti 0,3 metra promoti sunt; animal vehementer debilitatum.
		C.	0,816	0,228	0,853	0,694	0,179	24,9	
II. felis	6½ hor.	A.	0,531	0,100	0,490	0,464	0,075	18,7	{ 0,3 metra promoti.
		C.	0,434	0,094	0,510	0,230	0,050	54,7	
III. felis	7 hor.	A.	0,434	0,056	0,275	0,034	0,004	88,7	{ loco non promoti.
		C.	0,400	0,131	0,430	0,225	0,046	60,0	
IV. felis	14 hor.	A.	0,428	0,055	0,499	0,124	0,021	67,2	{ non promoti.
		C.	0,611	0,126	0,468	0,189	0,047	51,3	
V. felis	14 hor.	C.	0,611	0,126	0,625	0,089	0,018	86,0	caro usque ad medium intestinum tenue promota.

Residua albuminis atque carnis, quae non soluta restiterant, in tractu intestinali ita erant mutata, ut albumen perquam maceratum et molle, caro magis pallida, macerata neque perspicue ex fibris contexta apparerent.

### 2. Experimento in succo enterico, exclusis succo gastrico, bile, succo pancreatico.

a. Incisura, per quam albuminates in tractum intestinalem injiciebantur, in duodeno facta est fere unum pollicem infra insertionem ductus choledochi et pancreatici. Supra ipsam incisuram, at infra insertionem ductuum illorum obturaculum suberinum, quo tractus intestinalis interclusus erat, obstitit, ne succus gastricus, bilis, succus pancreat. longius in tractum intestinalem ad albuminates defluerent. Altera vero ligatura infra incisuram applicata impedimentum quidem est, quo minus contenta intestini in abdominis cavum exirent; at secretum inferioris saltem partis duodeni in intestini cavum defluere atque cibis injectis admisceri potuit.

Periculum numeri.	Temporis spatium quo periculum continutum est.	Albuminatis natura A = Albumen. C = Caro.	Ex album recent., calore 100° C. exsicc., copia residui siccii statuitur.						Notae.
			album. recent. gramm.	residui siccii gramm.	album. rec. injecta gramm.	relicta peric. finit. alb. rec. gramm.	relicta alb. 100° C. exsicc. gramm.	Ex 100 gr. albumin. siccii in tractu intest. concocta sunt.	
I. felis	6 hor.	A.	0,743	0,129	0,413	0,190	0,031	56,8	Album. injecti per duas tertias partes intestini tenuis promoti.
		C.	1,104	0,243	0,577	0,204	0,041	67,7	
II. felis	6 hor.	A.	0,501	0,076	0,380	0,084	0,010	82,6	non promoti.
		C.	0,647	0,159	0,726	0,269	0,059	66,9	
III. Canis	5½ hor.	A.	1,027	0,207	2,857	2,005	0,404	29,8	non promoti.
		C.	1,836	0,473	3,775	3,223	0,722	25,8	

Residua albuminis et carnis in tractu intestinali non soluta eadem atque in superioribus periculis praebebant speciem modo plus modo minus mutata.

b. In his, quae sequuntur, experimentis, subligatio tractus intestinalis, incisura, albuminatum in intestinum injectio plane eodem loco, quem, dixi facta sunt; modo ligatura simplex, nullo adhibito obturaculo suberino, duodeno applicata est, qua succus gastricus, bilis, succus pancreaticus intercluderentur.

Periculum numeri.	Temporis spatium quo periculum continutum est.	Albuminatis natura A = Albumen. C = Caro.	Ex album recent., calore 100° C. exsicc., copia residui siccii statuitur.						Notae.
			album. recent. gramm.	residui siccii gramm.	album. rec. injecta gramm.	relicta peric. finit. alb. rec. gramm.	relicta alb. 100° C. exsicc. gramm.	Ex 100 gr. albumin. siccii in tractu intest. concocta sunt.	
I. felis	5 hor.	A.	0,725	0,105	0,851	0,541	0,095	22,9	Albuminates injecti loco non promoti.
		C.	1,230	0,288	0,809	0,755	0,075	60,4	
II. felis	5 hor.	A.	0,725	0,105	0,680	0,236	0,044	55,3	non promoti.
		C.	1,230	0,288	0,865	0,654	0,152	24,9	
III. felis	5 hor.	A.	1,044	0,179	0,447	—	0,020	73,9	amplius duas tercias partes intestini tenuis promoti.
		C.	1,012	0,246	0,610	—	0,031	79,1	
IV. felis	6½ hor.	A.	0,570	0,089	0,373	0,027	0,004	93,1	non promoti.
		C.	0,959	0,214	0,560	0,250	0,043	65,6	

Periculum numeri.	Temporis spatium quo periculum continutum est.	Albuminatis natura A = Albumen. C = Caro.	Ex album recent., calore 100° C. exsicc., copia residui siccii statuitur.						Notae.
			album. recent. gramm.	residui siccii gramm.	album. rec. injecta gramm.	relicta peric. finit. alb. rec. gramm.	relicta alb. 100° C. exsicc. gramm.	Ex 100 gr. albumin. siccii in tractu intest. concocta sunt.	
V. felis	6 hor.	A.	0,673	0,093	0,422	—	0,045	22,8	Album. non promoti.
		C.	0,939	0,204	0,635	—	0,080	42,0	
VI. felis	6 hor.	A.	1,095	0,147	0,454	0,041	0,005	91,8	duas tertias intestini tenuis partes promoti.
		C.	0,804	0,204	0,563	0,160	0,034	76,2	
VII. felis	6 hor.	A.	0,693	0,090	0,450	0,098	0,022	62,4	amplius duas tercias partes intestini ten. promoti.
		C.	0,905	0,214	0,515	0,208	0,043	64,7	
VIII. felis	4 hor.	A.	0,564	—	—	—	—	—	alb. usque ad intestinum coccum promotum, lintero inter extimendum disseco, faecibus mixtum oculos fugit.
		C.	1,006	0,219	1,081	0,765	0,181	23,1	
IX. felis	5½ hor.	A.	0,908	0,140	0,907	—	0,114	18,5	caro non promoti.
		C.	0,974	0,215	0,846	—	0,151	19,1	

Si quis postremam hanc tabulam, in qua, quantum ex 100 albuminatum partibus solidis in tractu intestinali evanuerit, relatum est, cum duabus tabulis superioribus contulerit, manifestum erit, prorsus nihil esse cur credatur, succum gastricum his in casibus in intestinum descendisse atque concoctionem adjuuisse. Ex his igitur experimentis aeque ac ex superioribus elucet, solo succo enterico, exclusis aliis secretis ciborum digestioni inservientibus, albuminates solvi et ita concoqui.

Ut compertum nobis foret, num amyrum quoque intra tractum intestinalem agente succo enterico integro, qui speciatim dicitur, mutaretur, periculum hoc modo institutum est: decoctum amyli satis spissum duodeno fere in medio, postquam omnia, quae forsitan ibi adessent, contenta caute stringendo sunt remota, per incissuram intestino illatam in tractum intestinalem infusum, ac deinde duabus ligaturis, altera superiore altera inferiore, spatio fere duorum pollicum inclusum est ita, ut neque ipsum decoctum illud loco suo moveri neque fluida ulla desuper in tractum inte-

stinalem deferri possent. Quinque horis post operationem necatum est animal. Decoctum amyli in tractu intestinali inclusum jam liquor apparuit facilius fluens, in quo ope Jodii amyrum modo minimum inveniri poterat. Num liquor ille saccharum contineret, ut explorarem, methodum secutus Trommeri, eundem in caliculo vitreo cum aliquot guttis cupri sulfurici et kali caust. commixtum calori fervido exposui: quo facto cuprum oxydulatum mox praeципitatum est, unde certissime apparuit, in liquore saccharum infuisse, quod mutato amylo in tractu intestinali agente succo enterico ortum esset.

### 3. Experimenta in succo enterico, excluso solo succo gastrico.

Incisura intestini, per quam albuminates in tractum intestinalem injiciebantur, in his periculis facta est supra insertionem ductus choledochi et pancreatici; obturaculum summo duodeno prope pylorum est infixum. Subligatio simplex infra incisuram facta, quae in omnibus periculis nunquam est neglecta, his casibus impeditiv, ne bilis et succus pancreaticus motu antiperistaltico forte exorto, in cavum abdominis influerent; quibus tamen secretis in tractum intestinalem atque ad albuminates in eundem injectos aditus patiebat, modo succus gastricus, obturacolo suberino firmiter claudente, in ventriculo retinebatur.

Periculorum numeri.	Temporis spatium, quo periculum continuatum est.	Albuminatis natura A = Albumen. C = Caro.	Ex album recent., calore 100° C. exsiccati, copia residui siccii statuitur.		Albuminates recent. quantum in tractu intest. pondaris amiserint, statuitur.			Ex 100 gr. albumin. siccii tractu intest. concocta sunt.	Notae.
			album. recent. gramm.	residui ricci gramm.	album. rec. injecta gramm.	relicta perie. finit. alb. rec. gramm.	relicta alb. 100° C. exsicc. gramm.		
I. felis	5½ hor.	A.	0,743	0,129	0,429	0,038	0,007	90,6	Albumina, infecti in intestino coeco reperiti. modo per paucam centimetra promoti; fortasse quia inter utramque ligaturam intestinum totum persecutum est.
		C.	1,104	0,243	0,640	0,107	0,021	85,1	
		A.	0,501	0,076	0,532	0,078	0,011	86,4	
II. felis	5½ hor.	C.	0,647	0,159	0,741	0,274	0,052	71,5	duas tertias partes intest. ten. promoti.
		A.	1,027	0,207	1,818	0,625	0,135	63,2	
III. Canis	6 hor.	C.	1,836	0,473	3,210	2,530	0,584	29,4	duo centimetra promoti.
		A.	0,826	0,132	0,460	0,125	0,022	70,1	
IV. felis	6 hor.	C.	1,481	0,299	0,711	0,035	0,007	95,1	

Experimentum ultimum a ceteris in hac tabula expositis haec differt, ut, omisso obturaculo suberino, ligatura simplex infra ipsum pylorum duodeno applicata ventriculi contenti retineret.

### 4. Ex experimentis his allatis sententiae deductae.

Ex experimentis supra descriptis, quae sub conditionibus rationibusque diversis sunt instituta, jam persuasum nobis est, albuminates intra solum tractum intestinale, quum adeo actioni ventriculi ejusque secreti antea expositi non fuerint, nihilominus tamen mutationibus obnoxios esse, neque modo earum consistentiam et indolem immutari, sed simul etiam partes solidas decorescere. Quod decrementum neque ipso tritu neque alia re mechanica effici poterat; neque magis secreta pathologica ex operatione orta in albuminates egerant, quum paucis horis post, quae inter operationem et necem animalis interfuerant, ne inflammations quidem nedum exsudationes adactae animadverterentur. Qua de causa non aliud restat, nisi ut agentibus in tractu intestinali fluidis normalibus decrementa albuminatium imputentur. Quodsi primum ratio habita fuerit experimentorum, in quibus, succo gastrico, bile et suco pancreat. exclusis, partes solidae alimentorum, quae in tractum intestinalem erant injecta, decrescebat, quaerendum certe erit, utrum succo enterico, qui speciatim dicitur, ea decrements attribui debeant, an forte, etsi non aliis in tractum intestinalem effusis fluidis recentibus, ea tamen, quae ante subligationem in ileum influxerant, in albuminates egerint eorumque mutationes adjuverint. Quum vero animalia omnia, in quibus experimenta instituebantur, per horas minimum quatuor et viginti pastu caruissent, cadavere patefacto intestinum tenue semper cibis vacuum repertum est; nam partes eorum fluidae resorptae, residua vero non solubilia jam partim per anum dejecta erant, partim etiam in intestino colo restabant. Sententia igitur ea, qua credas succum gastricum, antequam subligatus fuerit tractus intestinalis, in eodem infuisse atque in albuminatis solvendis aliquid fortasse momenti habere potuisse, omnino refutanda est, quum causae huic rei nimis multae

repugnat. Etenim si succus gastricus re vera, et animali jejuno, in tractum intestinalem defluxisset, idem summam tantum partem duodenalem attigisset, ibique nullis contentis oblatis celeriter resorptus fuisset. Reactio etiam in ipso summo duodeno semper apparebat alcalica, neque verisimile erat, succum gastricum, admixto minimo succo duodenali, indolis alcalicæ fieri potuisse; immo vero albuminates, quum, applicata infimo duodeno ligatura, in intestinum jejunum injecti essent, etiam hoc loco, quo usque succus gastricus neutquam poterat pervenire, non minus partibus solidis decreccebant quam aliis in casibus. At suspicio, succum entericum in albuminates egisse, fortasse in iis exstiterit experimentis, ubi omisso obturaculo ligaturam intestini applicavimus, cauturi, ne succus gastricus in tractum intestinalem effunderetur: in quibus quidem experimentis locum subligatum non omnino impervium succus gastricus permeare potuisset. At videtur tamen fieri non potuisse, quum duas supra albuminates applicatae essent ligature, inter quas incisura intestini ampla intererat, ut succus gastricus per ligaturas illas ad albuminates usque penetraret. Denique non est, cur succus gastricus in albuminates egisse credatur, si quis tabulas eorum experimentorum, quae adhibito obturaculo sunt instituta, cum tabulis conferat eorum, in quibus omissum est obturaculum: nam ubi propter obturaculum nihil omnino succi gastrici in tractum intestinalém poterat influere, ibi in universum non minora erant albuminatum decrementa, quam obturaculo amissi.

In iis experimentis, ubi tractu intestinali infra insertionem ductus choledochi et pancreatici subligato cautum est, ne bilis et succus pancreat. ad albuminates penetrarent, nihilo tamen minus verisimile est, copias eorum, si modo parvulas, in tractu intestinali infuisse, antequam subligatio facta esset; his vero agentibus concoctionem albuminatum adjuvari non potuisse, experimenta demonstrant in iisdem succis instituta,<sup>10)</sup> ex quibus vim ullam ad albuminates neque bili neque succo pancreatico tribuendam esse patet.

10) Cf. diss. inaug. Lenzii „de adipis concoctione et resorptione,” atque commentationem commilitonis amicissimi Schellbachii „de bilis functione disquisitiones.” Dorp. 1850.

Postquam igitur ea, quae fortasse aliquis contra dixerit, tamquam haud admittenda refelli, jam restat modo succus entericus, secretum unicum, quod, ex methodo quidem a nobis adhibita, in tractu intestinali ad albuminates injectos continenter affluere potuit: quo succo agente partium solidarum, quae in albuminatis insunt, copia modo major modo minor soluta et liquefacta et ad resorptionem idonea reddit a.

Quod attinet ad eam vim, quam bilis et succus pancreaticus, cum succo enterico commixta, in albuminates exerceat, jam vidimus decrementa partium solidarum, ubi bilis et succus pancreaticus non erant exclusa, aequa diversa et varia fuisse atque in iis casibus, ubi succus entericus unus ageret: unde licet contendere, uti bilis et succus pancreaticus per se sola minime vim habeant albuminates immutandi, ita eadem secreta succo enterico, si cum eo commisceantur, minime adiunctam inferre potestatem solvendi, neque etiam functionem ejus turbare nec coercere, atque ideo, quotiescumque succus entericus cum bile et succo pancreatico mixtus fuerit, soli illi albuminatum in tractu intestinali solutionem esse tribuendam.

Respiciendum est praeterea, neque duodenum neque intestinum jejunum neque ullam partem intestini tenuis per se solam albuminates solvendi officium subire, sed totum intestinum tenuer pro rata aequaliter adjuvare: cuius rei testimonium est, quod alimenta solutionem minime modificatam praebent, sive in partes tractus intestinalis superiores injecta erant sive in inferiores, sive motu peristaltico longius erant poromota, sive eodem loco constiterant.

Num vero etiam secretum intestini coli eam vim in albuminates habeat, ut eos liquefaciat et solvat, non possum equidem dijudicare, quum pericula propria de ea re ipse non instituerim. Licet vero succus enterici in intestino tenui officium illud gravissimum, quo idem succus proxime ad succum gastricum accedit, manifesto apparuerit, attamen non est nostrae potestatis, quae illius sit ratio agendi, accuratius explicare, praesertim quum adhuc certo cognitum non sit, quaenam partes succum entericum constituant, sed videtur

quidem copia alcalica haud exigua, quae in succo enterico inest, in solvendis albuminatis maximi momenti esse.

In omnibus experimentis, quae exposui, mirandum sane fuit, quam diversa albuminatum, quae in tractu intestinali soluta atque concocta erant, evaderet copia; immo vera etiam, ubi complura animalia simili quidem erant constitutione et magnitudine, nihilominus tamen intra idem temporis spatium singula albuminatum decrementa multitudine maxime inter se differebant. Neque vero ex ipsis albuminatis causa solubilitatis majoris minoris petenda est, sed potius ex turbatis actionibus physicis et chemicis, quae ipsae fortasse etiam ex momentis quibusdam psychicis ex operatione ortis pendeant. Quae momenta tamen nihil nisi causae priores albuminatum plus minusve solutorum habendae sunt; proxima autem ea est conditio, ut succus entericus normalis et multitudine et virtute idonea secernatur: qualis quotiescumque adest, solutio albuminatum sit largior, ut ex periculis extra tractum intestinalem institutis etiam perspici poterit. Itaque causae priores existimandae erunt eae, quae ad solutionem modo hactenus vim alienam habeant, quatenus secretionem succi enterici vel impedire vel coercere vel immutare valeant. Quae causae, quoad secretionem spectant, ut accuratius explorentur vix fieri poterit; nec nisi paucis in casibus aut ex nimia sanguinis profusione, dum erat operatio, aut ex imbecillitate animalis majore, aut ex operatione nimis producta causas solutionis albuminatum minoris vel difficilioris me cognovisse arbitrabar.

Quum albuminates injecti adeo pluribus horis persaepe loco non erant promoti, plerumque id quidem fiebat ex paralyse tractus intestinalis partiali aut ex motu antiperistaltico vel irregulari, manu vel instrumento inter operationem effectis; at etiam, quum illi albuminates per majus spatium tractus intestinalis processerant, inde non semper conjici poterat, momentum aliquod solutioni inserviens accessisse, quoniam illi situ plane immutato nonnumquam plus decrementi ceperant, quam si aliquantum spatii in tractu intestinali confecerant.

## B. Experimenta extra tractum intestinalem instituta.

### 1. *Experimenta in succo enterico, exclusis bile et succo pancreatico.*

Suecum entericum, ut extra organismum experimenta in illo instituerentur, hoc modo ex tractu intestinali recepimus. In cane adulto, postquam cavum abdominis sectione duorum pollicum secundum lineam albam supra umbilicum apertum est, ductus choledochus et uterque ductus pancreaticus paullo ante locum, ubi duodeno inseruntur, ligaturis firmissimis subligati et infra ligaturas singulas penitus persecuti sunt. Deinde duodeno in cavum abdominis reposito, secundum methodum prof. ill. Bidderi in *commentatione Schellbachii<sup>11)</sup>* expositam, fistula cystidis felleae instituta est, per quam omnis bilis, quae in vesica fellea erat secreta, prorsus ex tractu intestinali necesse erat foras deduceretur. Tum protracta intestini tenuis parte inferiore, per rugam parvam ex illa formatam filum metallicum transverse trajectum atque super frustulo ligneo transverse sulcato extra cavum abdominis arctius adstrictum et contortum est. Occluso per suturas cavo abdominis, in angulo vulneris abdominalis superiore lamina cornea ad formandam fistulam cystidis felleae, in angulo inferiore, ut fistula intestini tenuis existet, frustum ligneum filo metallico instructum, cuius ope pars intestini tenuis parieti abdominali interno erat appressus, extra cavum abdominis relicta sunt. Bilis jam subinde post operationem atque etiam diebus insequentibus ex vesica fellea penitus effluxit. Sexto die post operationem confectam quum animal jam prorsus vigeret cibosque appeteret, quumque suppuratio vulneris paene

11) Cf. Schellbach. *De bilis functione disquisitiones. Diss. inaug. Dorpat. Liv. 1850.*

cessisset atque adhaesio inter parietem abdominis internum et parietem intestini tenuis satis firma videretur, nobis tandem contigit, quum tractum intestinale per vestigare conaremur, ut per fistulem elapsi filo metallico formatam cannula elastica extrinsecus in intestinum tenuem ad altitudinem duorum pollicum dextrorum immitteretur. Per eandem cannulam intra aliquot horas exigua copia excepta est humoris intestinalis, qui experimentis concoctionis artificialis hunc in modum est adhibitus, ut albumen coagulatum et caro bubula perinde atque in periculis intra tractum intestinalem institutis antea pensata linteoque tenui insuta, postquam in caliculo vitro humore intestinali perfusa sunt, calori illi, qui corporis animalis adaequabat calorem, in fornace per aliquot tempus exponerentur.

Periculorum numeri.	Temporis instantum, quo periculum continuatum est.	Albuminatus natura. A = Albumen. C = Caro.	Ex album., rec. 100° C. exsicc., copia resid. siccii statuitur.		Album. cum succ. ent. mixti quantum cal. 35—40° C. amiserint, statuitur.			Ex 100 gr. albumin. siccii in humore in- test. soluta sunt.	Notae.
			album. recent. gramm.	residui siccii gramm.	Album. rec. gramm.	relicta in linteo peric. fin. alb. rec. gramm.	relicta peric. fin. 100° C. exsicc. gramm.		
Nr. I.	5½ hor.	A.	0,352	0,080	0,178	0,107	0,024	40,7	Succ. ent. 5 hor. post pastionem ex- ceptus, alcalicus, snifisci color., ad- mixtis nonnullo chy- mo, residuis cibo- rum non solubil. et amylo minimo.
		C.	0,529	0,137	0,239	0,153	0,042	32,1	Succ. ent. 6 hor. post pastionem ani- malis exceptus, al- calicus, subflavus, parvus admixtis ci- borum residuis, nul- lo amylo. In utro- que liquore succ. pancreat. ex metho- do Bernardi inve- niri non potuit.
Nr. II.	6 hor.	A.	0,455	0,058	0,294	0,171	0,023	36,4	
		C.	0,478	0,130	0,359	0,322	0,063	35,5	

Albuminates confecto periculo ex sacculis exempti hanc praebebant indolem mutatam: albumen molle erat, partim crassi fluoris, caro pallida, macerata. Humor post periculum finitum etiam tum indolis erat alcaliae neque odorem putidum spargebat.

Hic humor intestinalis etiam adhibitus a me est ad experimenta nonnulla in amylo instituenda. Decocum amyli spissum, recens paratum humore antea filtrato largiter perfusum ac deinde in fornace calori 40—50° C. expositum est. Post horae sextantem inde exemta jam multo liquidior erat commixtio. Ut exploratum foret, num pers amyli in saccharum esset transformata, secundum methodum Trommeri cupri sulfurici et kali caustici aliquot guttae adjectae sunt: quo fluido fervefacto aliquantulum cupri oxydulati rubidi praeципitatum est atque simul, quum cuprum cum amylo, quod etiam in fluido aderat, sese conjunxit, plurimi flocculi albidi sunt formati. Ubi commixtio illa per 20—50 sexagesimas in fornace seposita fuerat, omnis amyli copia in saccharum sese converterat, ubi vero 6—10 horas in fornace fuerat reicta, jam etiam acidum lacticum in fluido poterat inveniri.

Quibus experimentis confectis canis necatus est. Cadavere inciso multae obviae erant adhaesiones firmae inter omentum majus et intestina et hepar; ductus choledochus, qui post subligationem perfectus fuerat, nondum erat restitutus, et locus subligatus manifestissime conspiciebatur; neque etiam ductus pancreaticus major in statum priorem redierat. Num vero ductus pancreaticus minor nihilomagis eset restitutus, ex sectione aequa certo non poterat demonstrari, quum in exsudatis plasticis largioribus non contineret ipsam ligaturam invenire. Quum vero ductus ille non potuerit investigari, qui cum tractu intestinali cohaereret, haud sane verisimile est, ductum pancreaticum minorem solum restitutum esse, eoque minus, quod, quum mucus duodenalis cum butyro recenti commixtus per horas adeo plures calori modico expositus eset, evolutio acidi butyrici odore percipi non potuit: id quod ex experimentis, quae Bernard instituit et Lenz comprobavit, signum peculiare succi pancreatici praesentis esse efficitur. Vesica fellea prorsus vacua apparebat, quoniam contenta ejus commodissime semper effluxerant, attamen in canaliculum longum cylindricum usque ad fistulam externam illa erat extensa. Fistula intestini tenuis fere in media ejusdem exstabat longitudine, in eoque loco firmissimae se offerebat adhaesiones inter intestinum tenuem et parietem abdo-

minis posteriorem. Contenta in intestino tenui modo parca inerant, membrana ejus mucosa succo enterico mucosa obtecta speciem ubique normalem praebebat, neque usquam sane vestigia aderant irritationis inflammatoriae.

## 2. *Experimenta in succo enterico, non exclusis bile et succo pancreatico.*

Cani majori venatico ponderis **14,41** kilogramm. ratione supra descripta fistula intestini tenuis instituta est, ductibus glandularum excretoriis, qui in tractum intestinalem abeunt, non subligatis. Quinto die post operationem vulnus abdominis paene omnino consanuerat; fistula intestini tenuis, foras ducens, satis justa elapso filo metallico jamjam suborta erat, dum adhaesio inter parietem et illam intestini partem multum simul firmitatis ceperat. Qua de causa tractum intestinalem ope specilli elasticci exploraturis jam illo die nobis contigit, ut per fistulam in intestinum tenue animalis deorsum et sinistrorum ad altitudinem fere trium pollicum specillum immitteretur; quod in aliam regionem fieri non poterat. Diebus insequentibus, quibus suppuratio cessabat, ope cannulae per fistulam inductae pluries fere minimum **400—500** grammata humoris intestinalis alcalici, quem bilis viridem tinxerat, excipi poterant. In quo humore, quum canis, ut assolet, **20—24** horis ante pane et juscule olerino pastus fuisse, ciborum reliquorum non solubilium modo aliquantulum, at plurimum epithelii et muci admixtum erat. Ceterum valetudo corporis, ciborum appetentia, digestio animalis non erant turbatae.

Hic humor intestinalis deinde eo modo ad experimenta adhibitus est, ut albumen et caro, linteo tenui ut supra insuta atque in caliculo vitro humore perfusa, calori fornacali, qui animalis adaequabat calorem, exponerentur. Circumacto certo tempore albuminates has obtulerunt mutationes:

Periculum numeri	Temporis spatium, quo periculum coactum est.	Albuminatus natura. A = Albumen. C = Caro.	Ex album., rec. 100° C. exsicc., copia resid. siccii statuitur.		Album. cum succ. ent. mixti quantum cal. 35—40° C. amiserint, statuitur.			Ex 100 gr. albumin. siccii in humore intest. soluta sunt.	Nota e.
			Album. rec. gramm.	residui siccii gramm.	Album. rec. gramm.	relicta in linteo peric. fin. alb. rec. gramm.	relicta peric. fin. 100° C. exsicc. gramm.		
Nr. I.	6 hor.	A.	0,655	0,084	0,224	0,166	0,015	47,8	Periculo siuito humor etiam alcaliens, nullius odoris putidi; albumen in linteo relictum plus minusve maceratum, bile leviter tinctum; caro relicta pallida, macerata. Succ. pancreum secundum methodum Bernardi in humore non est inventus.
		A.	0,655	0,084	0,413	0,238	0,036	32,0	
Nr. II.	6 hor.	A.	1,353	0,189	2,617	1,667	0,238	34,9	
Nr. III.	6 hor.	A.	1,132	0,160	2,606	2,168	0,262	28,9	
Nr. IV.	6 hor.	C.	0,968	0,214	3,508	2,858	0,584	24,7	
Nr. V.	6 hor.	C.	1,246	0,333	2,111	1,698	0,387	31,4	
Nr. VI.	6 hor.	C.	0,895	0,309	1,673	1,559	0,339	40,3	

Interfecti animalis patefacto eadavere fistulam intestini tenuis **2,5** metra a pyloro abesse cognovimus, idque in hac fere regione, ubi triens intestini secundus in trientem tertium transit. Neque inflammationes neque aliae mutationes pathologicae per totum tractum intestinalem inventae sunt.

Humor per fistulam intestini tenuis exceptus, in quo etiam bilis inerat, sed succus pancreaticus ope butyri recentis nullus reperiebatur, quum ipse saccharum non contineret, ad experimenta in amylo agenda adhibitus est. Decoctum amyli spissum, recens, illo humore perfusum, quum calori fornacis **40° C.** expositum et horae quadrante interjecto exemitum esset, facilius fluens apparuit. Quum vero propter tincturam humoris biliosam secundum methodum Trommeri explorari non potuisset, utrum humor tunc saccharum contineret nec ne, bilis hunc in modum separata est. Plumbum aceticum basicum humoris adjectum est, unde fiebat, ut acidum bili proprium plumbo adstringeretur; deinde eidem liquori filtrato, ut retineretur residuum plumbum oxydatum, aliquantulum acidi sulfurici admixtum et liquor denuo filtratus est. Quo in liquore mero ac nullius coloris, si amyllum agente humore intestinali sub calore fornacis in saccharum se convertisset, necesse

erat saccharum solutum inesset; etenim re vera additis cupro sulfurico et kali caustico sub calore fervido cuprum oxydulatum rubidum manifesto praecipitatum est.

### *3. Ex experimentis his allatis sententiae deductae.*

His experimentis, quae modo exposui, extra organismum institutis apparuit, humorem intestinalem, qui et subligatis et non subligatis ductibus glandularum excretoriis per fistulam intestini tenuis exceptus est, hanc potestatem habere, ut albuminates fere sub calore corporis animalis liquefaciat, solvat et ita concoquat.

In priore autem serie experimentorum, quae extra organismum sunt instituta, ubi ductus choledochus et uterque ductus pancreaticus subligati erant, in humore per fistulam intestinalem excepto secretum parietum intestinalium minime solum contentum est, sed chymi etiam et ciborum residuorum modo plus modo minus admixtum fuit; unde humor speciem nunc subfuscam nunc flavam induit; succus pancreaticus in humore non videtur adfuisse. Iis vero diebus, quibus humorem intestinalem ad experimenta instituenda nacti eramus, suppurationis vulneris jam cesserat, quapropter in illo humore corpuscula puris sub microscopio nulla animadverti poterant. Itaque in humore intestinali, quo solutio albuminatium efficiebatur, praeter chymum, residua ciborum et amyrum modo jam succus entericus infuit, cuius copia tamen certo statui non poterat; aliae autem nullae inventae sunt substantiae. Neque magis etiam in eodem humore, si sex horas sub calore cum albuminatibus junctus fuerat, aliqua elementa nova aut fermentatione aut putredine exorta erant, quae ex reactione aut ex odore foetido percipi possent. Quae quum ita fuerint, necesse est quaeratur, quid sit istud, quo albuminates soluti et concocti sint. Cibos liquefactos aequa ac residua ciborum non solubilia nullam omnino vim in albuminates solidos exercere, jam ex periculis aliis constat; atque idcirco, quum praeter succum entericum in humore intestinali, ad concoctionem artificialem adhibito, non aliae infuisse videantur substantiae, neque novae etiam sub calore accesserint, soli succo enterico solutio albuminatium jure tribuenda est.

In altera serie experimentorum, ubi, omissa subligatione ductuum glandularum excretoriorum, bili et succo pancreatico in tractum intestinalem aditus patebat, in humore tantummodo bilis aderat, dum succus pancreaticus in eodem inveniri non poterat, et verisimiliter quidem ea de causa, quod idem bile parcus secretus usque ad intestinum tenue medium, ubi fistula erat, non descenderat. Ex experimentis hoc in humore institutis evidenter patuit, albuminates nihilo in universum plus partium solidarum amisisse, quam in priore experimentorum serie, ubi bilis et succus pancreaticus interclusa fuerant. Quae res argumento est, bilem (et succum pancreaticum) in solvendis succo enterico albuminatibus neque turbationem neque mutationem afferre. Quod in his extra organismum experimentis decrementa albuminatum in universum minora evaserint, quam in experimentis intra tractum intestinalem factis, equidem ex minore copia succi enterici, qui in humore intestinali adhibito infuerit, causam ejus rei repeti posse arbitror: quae copia, uti ex analysi elucet, quae in capite secundo proposita est, pro rata parte perquam exigua erat. Praeterea illud discrimen etiam magis inde forsitan pependerit, quod alimenta solvenda in caliculo vitro inagitata jacebant, iisque succus entericus recens non admiscebatur, dum eadem in animalis vivi tractu intestinali, succum entericum secernente, etiam cum copiis recentibus hujus succi solventis facilius confundebantur.

## T h e s e s.

- 1) Non omnes glandulae intestinales, quae dicuntur, organa sunt secernentia.
  - 2) Pulsus solito frequentior signo non est, sanguinem celerius fluere.
  - 3) In tractanda secundum methodum abortivam syphilide ne exspectetur sanatio radicalis.
  - 4) Mania furibunda ut in dementiam evadat, tractatio nimis debilitans efficere potest.
  - 5) Ophthalmiae specificae non sunt.
  - 6) Operatio incruenta ad aperiendum os uteri in arte obstetricia nunquam est adhibenda.
-